

OMUKWETU

Registered at the General Post Office as a Newspaper



Omuwilikingerki Dumeni, eta langekwa moshilonga. Eheke-
lele tala kepandja 5

ENYAMUKULO LEENGELEKA KOMBINGA

YOVAFADUKIPO

Eengeleka adishe mOwambo oda ninga ehokololo loukumwe omo da nyamukula omolwashike ovanhu tava faduka po muNamibia (Suidwes-Afrika) omafiku aa. Epulo ola dile muKomufala Ndjai, omufimanekwa Jannie de Wet, moshongalele sheengeleka kumwe nEpangelo lOwambo eti 27.6.1974 mOshakati. Enyamukulo leengeleka ola ka yandjwa moshongalele oshitivali sheti 6.8.74 ngashi tali shikula apa.

Enyamukulo kepulo laHembadi

Oengeleka dha kalelwapo osho:

Oengeleka onkwaevangeli paLuther yomOwambokavango (ELOK)

Oengeleka onkwaKatolika (RKK)

Oengeleka onkwaAnglican (AK)

Egongalo lyaBaptist

A. EPANDULO: Aalelingelesa otaa **pandula uneneledhiladhilo lyaHembadi** oku ya ithana opo ya kundathane pamwe naakwanepangelo methimbo ndika edhigu, kutya omolwashike aantu taa zi moshilongo.

B. EIINDILO Aalelingelesa otaa indile Hembadi a se oshimpwiyu opo onkundathana dheti 27.6.1974 nodheti 6.8.74 pokati koengeleka nepangelo dhaa ete omalimbililathano, uutondwe, okushekathana noku uvathanako pombambo. The dhi ete iiyimati iiwanawa noyombili.

C. ONKUMWE Oengeleka odha kumwa kedhiladhilo lyaHembadi lyokuhiya oengeleka mekundathaneno lyiiningwanima yuupolitika nande shito odha keelelwa oku shininga. Oengeleka odha yelekela nale okulombwela epangelo nkene oshigwana shu uvite, ihe aawilikingeleka mboka ye shiningi, oya shekwa nayi kepangelo, yamwe ya tidhwa mo moshilongo, yamwe ya keelelwa oku uvitha evangeli mpoka tali pumbiwa ngaashi mOwambo.

Ihe shoka oengeleka aluhe oya hala onkundathana dhombili, oya taamba eithano. Oengeleka odhi na epulo, kutya onkundathana dha tya ngeyi otadhi ka kala tuu sigo aluhe, nenge odhokathimbo kowala?

D. OMUPOPYO GWOSHIGWANA Moshigongi sheti 27.6.74 pokati kaawilikingeleka naakwanepangelo, oengeleka odha pulwa: "Omolwashike aantu taa zi po moshilongo yaa na omapitikilo?" Aawilikingeleka oya li ya nyengwa okugandja eyamukulo, manga inaa popya naakwanegongalo. Iitsa tayi landula, oyo omupopyo gwoshi-

gwana kutya omolwashike aantu taa zi moshilongo nope na okuningwa shike:

1. Suidwes-Afrika ongoshithithwalongo melelo lyepangelo lyaSuid-Afrika, olya li li na okumona uuthemba auhe, opo li humithwe komeho melalakano tali thikitha mokwiithikamena kulyolyene, noli ninge lya manguluka. Ehumpkomeho ndyoka hali longithwa nolya landulwa, olyopombambo nolya thiminika nayi aantu yamo (SWA).

Ekotampango ndyoka lya landulwa notali longithwa kepangelo lya S.A. kalya li nando li na okulongithwa mu SWA, oshoka SWA oshithithwalongo.

2. Ekotampango ndika olyethiminiko, inali landula ehala lyaantu yomoshilongo. Ekotampango lyopakatongotongo, olya longithwa ashike maaluudhe nolya kuthapo uuthemba womuntu auhe. Iilumbu oyi na ehumithokomeho lyi ikalekelwa noyo ayeke ye na uuthemba womuntu wa gwana.

3. Ondunge yaOdendaal, oya landula pakatongotongo kiigwana yaaluudhe ayike, opo aniwa uukakombonoludhi u holoke po pakutopagula iigwana yaaluudhe noompango dhokuthiminika.

4. Aantu yomu SWA mbono ya mono ompito yelongo, oye na ohokwe miinima yuupolitika woshilongo shawo. Oluhodhi olunene ashike sho aantu ya tya ngeyi, oya hepekwa nayi nosho oongundu dhuupolotika dhaaluudhe inadhi ziminwa, ihe otaa

(Tala kepandja 4)

Epangelongelesa lyaELOK, olya adhika lya nyola natango ombilive yopausita ndjoka ya tuminwa komagongalo agehe, opo uumwayinathana nomuntu kehe moshilongo u kondjelwe komuntu kehe.

OMATHIMBO KALUNGA TA KONGO

Yayee, ngoye Korasin, Yayee, ngoye Betsaida. Oshoka andola muTirus nomuSidon mwa ningililwe iilonga yoonkondo ngaambika ya ningilwa pune, ando oyo yi itedhulula nale moompunda nomomotokoMat. 11:20-24

=====

Oshinano shoomaila mbali oku uka uumbangalantu waKapernaum, oku na ehala lyiikulukuma lyi ithanwa mOshiarabia, Kerzeh. Eha ndika otali tengenekwa ngashingeyi kutya olyo lyokukala mpoka pwa li nale oshilando Korasin. Iikulukuma iikwawo oyi li komunkulo gwefuta kuuninginino womulonga gwaJordan tayi ithanwa el-Araj. Oyo tayi kala peha ekulu lyoshilando shaBetsaida. Aalongwa yaJesus, Petrus nomumwayina Andreas osho wo Filippus oya zile moshilando shika. Joh.1:44 Omo ohamu longwa ochi iihuna yowala.

Omo miilongo mbika, pahapu dhaJesus mwa ningilwa iilongankondo oyindji, nonando itaa tumbula komadhina gayo. Omuyevangeli Johannes ote tu lombwele kutya, shono sha nyolwa mOmbimbeli kombinga yiilonga yaJesus, hasho ashike e shi ninga. Oku na oyindji inaayi nyolelwa mo. Joh. 21:25

Oshitya "ouai" mOshigreka = yayee - otashi holola naanaa oluhodhi lwolwene lwo-ku uvitilako gumwe olukeno. Mpoka Jesus ta pangula omuntu moluulunde, ohe shi ningi nomutima gwolukeno, hamombepo yuutondwe.

Uulunde uunene womuntu owo okudhina nokwaadhambulula ethimbohenda lyaKalunga ndyoka e li pewa omagano. Otashi holoka miitya yaJesus kutya osho sha li wo onkalo yaKorasin naBetsaida. Ov.21 Ombimbeli otayi ti: Kumagidhathaneni omasiku agehe manga taku tiwa O N E N A. Heb. 3:13

Ethimbohenda li thike mpaka, Jesus ota holola nawa kutya, kali gandjelwe kuTirus naSidon. Kaya uvile yo kaya mwene iinenelonga yaKalunga mokati kawo ngaashi oyendji yopethimbo lyetu. Korasin naBetsaida oya li iilando iinelago moku egulukilwa koshilonga shevangeli noshehupitho.

Aantu oogumwe noogumwe nongaashi wo oongerki odhindji pethimbo ndika otadhi longo oshilonga shevangeli mokati kiilando nokomagongalelo gaantu neulumo enene, manga taku tiwa onena. Moshilonga shika itaku ipulwa unene nayangapi mboka yi itaala, ihe otaku ipulwa nayangapi mboka yu uvu elaka tali gandja omwenyo kungoka te li itaale.

Mpaka ishewe ope na oshinima shimwe sha yela. Jesus ita pangula uulunde wa longwa mokwaa na owino, shi thike pumboka wa longwa ehala lyaKalunga lya tseyika. Euvitho lyevangeli mokati kiigwana nokomihoko, okugandja maapulakeni euvito lya nika ongunga, euvito tali nyenyetele iilonga iivinayi, sigo omuntu a kongo edhimopo lyomayonagulo. Omuntu ta pewa ishewe ombili yokomwenyo. Omuyapostoli Paulus okwa uvitha muAtena a tile: Kalunga okwi idhidhimikilile omathimbo ngeyaka guugoya, ihe ngashingeyi ota lombwele aantu ayehe naakuhe yi itedhulule. Iil.17:30

Osho wo Petrus naye okwa nyola ngeyi: Oshoka sha gwana sho mwa gwanitha nale ehala lyaapagani omasiku ngeyaka ...1Petr. 4:3 Ef. 4:17

Mpoka pu thike ethimbohenda twe li pewa okugwanithila mo shono twe shi inekelelwa tu shi ningilemo, opo wo pu thike epangulo lyetu ngele ethimbo inatu li longitha. Luk.12:47 Korasin naBetsaida inaa kondjitha nando lumwe Jesus. Inaye mu tidha po mokati kawo, ihe shono ya ningi, inaa ipula wo naandhoka e dhi popi nenge shono e shi longo mokati kawo. Uuhasha owo uulunde wo tau vala epangulo lyaaluhe. Tirus naSidon otayi ningi hwepo esiku ndiyaka (lyepangulo) Ov. 22

Nopethimbo lyetu aantu itaa imbwa oku ka halitha iipindi yawo koohapu dhaKalunga, Itadhi ya imbi ya ka dhane iituthi yawo, ya kudhile pethimbo tadhi uvithwa, ya kolwe noya dhipage. Otaa tsakanitha ashihe ye shi haaha. Monkalo ya tya ngeyi yangapi taa ipula neuthilo lya Kalunga? Kalunga ne tu gamene, oyayee - ouaiye kaayi igidhilwe epipi lyetu. Nongele ongeyi, tu landule ondjila yaAninive meitedhululo nomegundjilo. Jona 3:5-10 (Sebulon Ekandjo)

=====

EYAMUKULO KU HEMBANDI

Dha za kemandja 2

hepekela omadhiladhilo gawo guuyuuki. Shika osha vala uutondwe wokutonda epangelo.

5. Aantu oyu uvite oluhodhi mOwambo nomuSuidwes alihe, oshoka otapu longithwa omathiminiko goonkondo dhaapolosi. Aatamaneki yekotampango ndika lyaa shi kuningilwa omuntu, otaa dhengwa, taa fikwa nomalusheno, taa tulwa mondholongo ethimbo ele manga inaa pangulwa. Nonkalo mondholongo kayi shi yopantu. Oshinima sha tya ngeyi, osha etele aantu uumbanda nuutondwe wokutonda aapolosi peha lyoku ya tala ongaakwathi yawo.

Oshigwana osha tegelela aapolosi ya kale aapopili yombili, ihe iilongga mbyoka tayi longwa kaapolosi, otayi longwa pauterolesa nokutilitha oshigwana noondjembo.

6. Opwa dhimbululwa, kutya iiningwanima tayi ningwa kEpangelo lyOwambo nokaapolosi yalyo, otayi zi mEpangelo lya S.A., hamuyo yene nosha kanitha esimano okusimaneka aapangeli aaluudhe.

7. Oveta aniwa R 17/72 oya thiminike oshigwana nayi. Oya kelele emanguluko lyokupopya. Okangundu kamwe akeke kopolotika ka pitikwa ka popye notaka popi peha lyoshigwana (Okangundu kOwambo yaamanguluka.) Oveta ndjika itayi tsu kumwe neziminathano pokati kaasimanekwa Vorster, Waldheim naEscher ndyoka lya ti; "Omuntu kehe e na okumona uuthemba wokupopya, wokweenda nowokuninga omayinyengo agehe guopolotika notaa hepekwa."

8. Aapolosi olwindji otaa pewa omalopoto ga puka, oshoka aalopoti oya uvanekelwa oondjambi onene. Oshilongo osha yonwa po komukalo nguka.

9. Aapolosi otaa thiminike notaa tilitha aavali mokupula okanona oka yi peni? Oshigwana otashi pula wo kutya, mbono ya zi mepangelo oya laleke tuu, naahona yawo osho tuu taa ningilwa ngaashi aavali?

10. Omukalo gwokuthiminikila oshigwana okakalata komutse, otagu ehameke, sho aantu taa thiminikwa ya sitambe onyala adhihe ya fa aafuthi nenge aadhipagi.

11. Omukalo gwoopaasa aluhe otagu yemateke oshigwana. Einyengo lyokweenda moshilongo olya dhigupala. Oopasport tadhi tindilwa nenge tadhi monika muudhigu. Iilumbu ohayi futile oopasport R 3, 00 manga omuluudhe ta pulwa egwedhelo lyodeposito okuza R 200 sigo R 400.

12. Olwindji epangelo otali ningi omauvaneko giifundja. Mo 1968 olyu uvanekela oshigwana, kutya otashi ka mona ehogololo lya manguluka konima yoomvula ntano, ihe inashi ningwa. Shoka sha ningwa po okugwaaleka owala oshigwana.

13. Eyooloko moondjambi, omuluudhe ta futwa pakatongotongo hapashilonga.

14. Eyooloko melongo, elongo lyopakatongotongo inali taambwa kaantu, ihe ohaye li thiminikilwa.

15. Etidhopo lyaanasikola nolyoostudente mboka ya hala okwiilonga shili, noye na elalakano ewanawa okukwatha oshigwana shawo, nosho wo omalundululo gaalongi pathiminiko, unene gaamboka aatamaneki yepangelo, oga ehameke.

16. Aantu oya kanitha einekela okwiinekela epangelo, oshoka ihali landula omadhiladhilo gaantu noihali lundulula omikalo ndhoka dha yemateke aantu.

17. Iiyetwapo mbika ayihe oya zi maantu yoshigwana noyo tayi kutha aantu moshilongo Oshigwana otashi tegelele epangelo li lundulule omikalo dhalyo noli landule ehala lyaantu oyendji yoshigwana noli gandje emanguluko nuuthemba womuntu kehe.

E. OONKAMBADHALA DHOONGELEKA 1967 - 1974

Oongeleka odha londodha nale nokulombwela epangelo, kutya oshigwana otashi hokwa shike. Odhe shi ningile ngeyi:

1. Momumvo 1967 aawilikingeleka Aakatolika, Aaelok naAnglikani, oya lombwele omukuluntu gwaapolosi, andola omafiko gomalusheno kaaga longithwe we. Omumvo ogwo tuu ngoka, oongeleka mbali dhaavalelwamo oonkwaLuther, odha nyolele omemorandum

(Kemandja lya landula)

(ombilive yedhimbulukitho) komusimanekwa Vorster, oku mu lombwela kutya aantu inaa taamba omavigumbo.

2. Omapangelongeleka avali eengeleka mbali eenghwaluther, okwa nyolela koministeli Vorster, ombapila ya yeuluka. Ombilive ei oya yambididwa moipafi kovawiliki vaKatolika novaAnglikani. Omushamane Vorster okwa li a dimbulukifwa, kutya ovanhu vomoshilongo eshi, opo va kale ve na oufemba womunhu, nokutya eeveta edi tadi longifwa inadi tambulwa kovanhuh, ndele ove di fininikilwa ashike. Meenghundafana nomushamane Vorster mu 1971 na 1973, okwa lombwelwa natango pakanya oinima ei.

3. Momudo 1973 ovabishopi vavali, waAnglikani nowa ELOK nomukwaneongalo umwe ova ningile eindilo komhangulilo yopombada kOvenduka, opo i kangheke omadengo ehee shi opanhu, taa lengifa. Omhangulilo oya twa omukumo ovanhu va dengwe pamukalo wohoni moipafi yaaveshe, va dulwa. Nokonena eli ovanhu otava dengwa.

Momudo 1973 ovawiliki ovo tuu ovo, ova ninga natango eindilo komhangulilo ya kula yaBloemfontein, opo omadengo efifohoni a kanghekwe.

Eenghundabala adishe edi, eengeleka ode di ninga omolwoshili yevangeli nomolwohole yoshiwana nombili. Fye ongovawilikingeleka novawiliki vomaongalo, ohatu popi medina lovakwaneongalo vetu, ve li oilyo yoshiwana nohatu indile epangelo li kona-kone shili omaudjuu ovanhu oo taa nyemateke oshiwana.

=====

Omanyamukulo okwelifa

Oinima ei ya dja moshiwana noya yandjwa kEengeleka ongenyamukulo laNdjai Komufala, omushamane Jannie de Wet, otai tu yo kumwe naayo ya dja mekonakono lovapangeli.

Mekonakono laye, ohamba Filemon Elifas, oministeli ikulunhu mEpangelo lOwambo, oya nyamukulwa ngaha:

"Aantu otaa ti epangelo ewinayi."

Omufimanekwa Pieter Kalangula, ou shimba a limbililwa omanyamukulo ovanhu, okwe shi hokolola no"vati", ngaashi ya longifwa kovanhuh. Okwa ti:

"Vati ovanhu ova hala ehongo lOshingilisha, apa inali wana vati. Ovanhu vati otava di po yo omolwokatongotongo oko ka etwa kovatilyane. Vati ova ka tala ko yo emanguluko eli tali etwa ko V.V.O"

Oministeli yehongo, omufimanekwa Cornelius Ndjoba, okwa popya unene kombinga yaasho tashi pumbiwa okuwapekwa apa. Okwa popya onghalafano yopokati komulaule nomutilyane i lyaafane kokule. Ewapaleko leepaasha dovapashiyoni, ewapaleko lehongo moshiwana osho yo ewapeko longhalo yopOshivelo.

Ovaleli vamwe konima yokweeta omadiladilo ovanhu eshi tava ti kombinga yefaduke po lovanhu va ye kuAngola, ile Zambia, ova yandja oushima kuvo, osheshi okolele ile kashi na oshili.

Umwe okwa ti, kutya ngeno okwa li ehongo

lounghulungu tali ka kongwa nomOshakati omo li li. Omukwao vali okwa ti: Ngeno omadengo taa twala ovanhu, ounyuni aushe ohau dengwa. Umwe ta ti yo: Ngeno opwa li sha shii mepangelo, ngeno e shi mona, ye e li pukulule.

Oshoongalele eshi oshitivali sheenghundafana dOvaleli voshilongo novaleli veeengeleka, omukwanepangelongeleka umwe, okwa ti, kutya osha ningwa monhepo iwa, nande kamwa li etwokumwe lomadiladilo.

Epangelo eshi la hala okweenda nondjila yoku ka shakeneka ovafadukipo mokwaaluka kwavo noilwifo, Eengeleka oda hala va ka shakenekwe nohole tai lidingatele keefingo. Osho omufitaongalo Josia Mufeti a tonga pexulilo leenghundafana.

+++++

Dumeni ta nangekwa moshilonga

Efiku 18.8.74 otali ka kala yo la fimana mehistolli lOngeleka yaELOK, eshi omupehawilikingeleka, Kleopas Dumeni ta ka nangekwa pambelwa moshilonga shaye. Ehoololo laye moshilonga eshi ola ningilwe mOshoongaleleengeleka 1973, mOngwediva.

Eongalo keshe ola indilwa komubishopi wongelegeka dr, L.Auala li tume ovaponhele vavali okutunga oshoongaleleengeleka. Opa fanekwa oshivilo shi ka udifilwe komweenda wokuAmerika, dr.Paul Empie.

Moshivilo eshi otamu ningwa yo eyapulo lomufitaongalo mupe, Elia Niinkoti.



O U T E K U W O V A F A D U K I P O M U A F R I K A

Epulo hali hanga luhapu Oraata yeengerki mounyuni, okukonga enyamukulo ngeenge Oraata ohai shiiva tuu shili oimaliwa oyo hai pewa ovakondjelimanguluko, kutya ohai longifwa naanaa ngahelipi, muAfrika. Enyamukulo kombinga yOraata yeengerki (WCC) ohai ti ashike oshinima oye shi lineekelela eengudu odo hadi kwafa, osheshi ohadi udaneke nokutya oimaliwa oyo otai ka longifwa ashike meemhumbwe defiku keshe.

Moule woivike ine, onda enda mokati keengudu edi tadi kondjo muMozambikwe, muAngola nomuGuinea-Bissau nonda mona nee nhumbi oilonga tai longwa, kombinga youhaku wolutu, mehongo nomounamapya moilongo yopoushiinda nomoshitukulwa osho sha nyekwa ko kovakondjelimanguluko muGuinea-Bissau. Apa ohandi shi hepaulula kutya elinekelo lOngerki inali fufywa nande.

Eshi osha tongwa kuhamushanga womoshikondo shomakwafelo shomOraata yeengerki mounyuni nosheyakulo lofafadukipo mounyuni, omushamane Helmut Reuschle. Mehokololo lolweendo laye mokati kovafadukipo moubuwanhu wa Afrika ota ti:

Onda enda muZambia eekilometa 900 momafululu nomeenhopo, osheshi osha li efimbo lodula. Onda talelapo omukunda umwe wa dikilwa po ovakondjelimanguluko vaAngola kepangelo laZambia.

MuZambia omu na ovafadukipo vahapu tava di onhapo yoita muAngola. Mwinya muAngola omikunda otadi bombwa po keedila daPutu, osheshi okwa tilika, kutya ovanhu otava nwefwa po kovakondjelimanguluko ile otave va pangelele mo nokuli.

Oluhepo lavo olinene, ndele otava lombwele nge nokutya ova tokola okumona oixuna shi dulife okutwikila noupika wa Kaputu.

Ofikola yaNgangula

Oita ohai dala yo ovafimanekwa vayo. MuZambia onda talela po ofikola yaNgangula, ya lukilwa okamatyona keedula 12, Augusto Ngangula. Okamati aka efiku limwe oka wila meenyala dovakwaita vaKaputu fimbo ka li mondjila yako taka i kofikola

Oka xwikwa nomalusheno, opo vati ka yandje ouyelele kombinga yoikulo momukunda wavo. Okamati eshi ka anya okutonga sha, oka dipawa nekuva.

Ofikola ei ye ka lukilwa muZambia, ya tungifwa eedopi nonduda yomwiidi, oi li ponhele iwa notamu wana ovahongwa 200 ile 250.

Nekwafo olo hali monika pondje, ongudu ei yemanguluko laAngola (MPLA) ohai hongo nee ovahongwa vayo okulesha, okunyola nokuvalula omivalu. Ndelene ombinga inene i li mofikola ei eulikilo mokulonga omapya, opo ku monike oipalwifa ya wana.

Moshitukulwa eshi sha Zambia lokouningiriro omu na eefikola 8 di na ovahongwa ve dule peyovi limwe. Okukwafa ovanhu

ava kombinga yondjila yoietwamo otashi ehameke omutwe oku shi diladila. Oyee-twa mo otai endifwa oshinano sheekilometa di dule naana 3,000 okukufa kuTanzania. Nuluhapu oyeendifo oya tekele ashike mondjila.

Elalakano lange molweendo eli ondi kundafane neengudu dekonjelimanguluko. Osho ehokololo la twikile ngaha. Onda li nda hala ndi kundafane nayo kombinga yeemhumbwe davo nokombinga yomafaneko oilonga yavo yopasosiale. Moule weedula nhatu, Oraata yeengerki mounyuni oshikondo shayo shomakwafelo eengerki noshomakwafelo ovafadukipo mounyuni osha kala hashi yandje ekwafo kovanhu ava moitukulwa ei. Ekwafo eli ola faafana naalo hali yandjwa kuBangladesh, kuIndohina nokuSanel (koilongo yokouningininino waAfrika ei i li mondjala)

Neudo 1974 Oraata yeengerki oya diladila natango okuyandja ekwafo loidjalomwa yondilo i fike peedola doshiyamerika \$ 635,000 (R 500,000 lwaapo).

Ovafadukipo aveshe ve li muZambia va dja muAngola ove fike 17,000, ve li muTanzania va dja muMozambikwe 69,000, ve li muSenegal va dja muGuinea-Bissau 82,000.

Etungo loshiwana

Ekondjo lomatati okambinga kamwe akeke komoshilalakenenwa shovakondjelimanguluko -, osho hamushanga ou a ti. Okwa twikile ngaha:

Ovakondjelimanguluko otava tungu oshiwana shipe nonghalafano ipe. Osheshi otashi kala shongaho ngeenge ekondjo lemanguluko itali tale yo eemhumbwe dokolutu, okumangulula ovanhu moluhepo nomou-

lai. Eshi otashi pula eshikulafano la tungwa loileshomwa, letungo leefikola noihakulilo, outeku wovanashilonga nependulepo loikwamapya noloipindi.

Eshi kashi shi oshilonga shipu. Ovawiliki vaFrelimo (ovakondjelimanguluko vaMozambikwe), ova lombwela nge tava ti: Moitukulwa oyo va nyeka ko kOvaputu, konyala ovanhu opelesenda imwe (1%) otava shiiva okulesha nokunyola. Eshi otashi ti kutya ova dja pehovelolela. Ovanyasha ovo va kala ashike mofikola omudo umwe ile mbali, ohava hongo ovo inava fikola nghee va dalwa.

Konena eli konyala ounona 20,000 vomoshiwana shi fike pomiliyona (1.2 mil) ove li mofikola younona moitukulwa yaMosambikwe ei ya manguluka. Ashike omhumbwe yoilongifo meefikola oyo nee. Okudja ngoo koshinyolifo, komatemo okulonga momapya fiyo koikumbafa yokunangala.

Ehokololo osho la twikila ngaha natango tqli ti, kutya ombinga imwe i li monghedi yokuhonga ofikola oyokweeta omafina oupolotika, okupendula ovanhu va shiive eshi tashi ningwapo. Pashiiyo lange laashi nda mona nomesho ange, elalakano kali li moutondwe wkutonda ovatilyane, ndelene ckukonga ashike epopilo lokupopila omadiladilo emanguluko nokukondjifa epangelo ekwailongo (colonialism).

Onda li yo nda mono omholo yokukala nOvaangola novanhu vaGuinea-Bissau. Otwa kala navo momatwali avo, hatu li oikulya yavo oyo ya telekwa pomafiya pondje. Omo nde lihongela okukalamwenyo kwavo kwefiku keshe. Vahapu okwa li ovakriste ovo ve udite oshinakuwaniwa shavo shokukondjela emanguluko noufemba womunhu.

MuLupa, omukunda wovakalimo 500, ovakondjelimanguluko vaAngola (MPLA) ova tunga mo onhele mu na ovakulukadi, ounona novalumenhu, tava tekulilwa moilonga youngoba yefiku keshe ngaashi; oshihongelo. Efaneko monhele ei, vati okwa teeelwa oilongifo i lili noku lili ngaashi omashina, ombakumbaku noimaliwa, tai di koilongo yopondje opo ku ningwe ofabulika yeeshi momulonga umwe u li popepi navo.

Ehangano lovakulukadi Ovaangola monhele ei, ove lipyakidila nokuhongafana oukalinawa, outeku wounona, ehondjo komashina nofikola yoshikunin omo mu na ounona 44. Ashike onda li ndi udite onghenda, osheshi kakwa li ve na eefewa, omashina okuhondja, oudanaukifo wounona, oikutu ile oikulya tai dulu okupalula omunhu.

Okudja ponhele ei, oto ka hanga ofalama inene yaMPLA muCongo-Brazzaville popepi naKambinda. Kekwafo lovatumwa Ovadene (vokuDenmark), ofikola ei yomapya oya kula neendelelo. Yoovene oi li natango mokutungwa, nongenge ya pu otai ka yakula ovahongwa 300 pefimbo limwe. Paife ovahongwa vahapu ohava nangala ashike momatwali nomeefaila.

Ope na yo oshihakulilo shinini, shihee na oilongifo ya wana. Ouhaku ohau ningilwa ashike moshivalanda shimwe omo. Onhele oya nyika omikifi ihapu, ngaashi omalaria, osho yo oufelepuka vamwe hava eta oipute molutu. Ongudu yaMPLA oi na okangudu kokukwafa mounamiti, noka pangeka eendohotola nhatu novakwafi vaheyali momikunda omo ovanhu ihava mono nandenande okakwafo kanini kombinga youhaku.

Hamushanga Helmut Reuschle, okwa xulifa ehokololo laye ta ti: Meenghundafana dange neengudu dovakondjelimanguluko, osha yebele nge nawa nokutya kaku na sha shoku va mweneka mekondjo lavo lokuhala emanguluko. Ove lilongekida okufuta osho tashi pulwa opo va hange emanguluko lavo. Oitya ei, "emanguluko nouyuuki", kuvamwe oya fa shiimba omuhapo, ndelene kuovo va kala momapangelo oshinailongo omapupi nomapupi, ove shi shi eshi tava kondjele.

(This Month)

Omuvalu wovafadukipo muAfrika omolwoupolotika, otava tengenekwa ve dule omiliyona Eengerki nomapangelo omoilongo omo va hondama, osho yo efiloshisho lofafadukipo loiwana ya hangana, ovo hava pashukile omaxupilo ovanhu ava. Omuvalu ou inau valulila mo eengudu neengudu edi da tauka muNamibia omafiku aa.

++++++
++++++
++++++

OMPITO YIILONGA

Pombelewangerki pOniipa, opwa holoka oompito mbali dhiilonga kumboka ye na onzapo yaMatrika. Ihe naangoka wo e na oJuniolo noku na ontseyo mii-nima yopaekonomi, ota vulu okuninga eindilo. Tuma ano eindilo lyoye kOmbelewa yOngerki, Oniipa, P/B. 2018, Ondangwa 9270

EHANGANNO

Ehangano lyaAmbili,
Munangwena gwaShivudhi;
Ombili tayi pangele mOnkuni
Ne Enkali mOkakonya pamwe
nOmumatunda Nekola
Omo mwa kala Negumbo,
Ashaambo a simana ondapo
LyaKandenge mOnandomba
Endengu tali lele noosimu
DhooShikomba - Mukopa.
Gwa Ambinga naNamwele gwaShipanga

2

Ehangano lyaAmbili,
Munangwena gwaShivudhi
Endengu lya pand'ofule
GwaPala, Josafat moondunge.
Elia omunyasha gwaNtinda,
Te ya hupile taa nu
Omo mwa kala omapenda
GooLeevi yIpinge, Titus
Kuku Manya lyaNangula
Taa hungile omatamba
(Nikodemus Ntinda)

Uushona nomahooli

Omusitagongalo gwaagundjuka mOngerki yaELOK, Heikki Uushona, okwa dhimbulu-lwa kuSpitkopa (omupolosi gwoondjila) iikando iyali itaa longitha nawa oma-hooli nondapo yoshihauto she pokati kOngwediva nOshakati.
Omusita Uushona sho a kwatwa nondapo yoomaila 70 nokwa lombwelwa a ye ko-mbelewa okuyelitha oshinima she, omu-polosi okwa ka tidha onkwatwa onti-yali.
Moshikando shika, tate Uushona okwa tidha ishewe Spitkopa nondapo ya pi-tilila eutho, nosha li sha limbilika

omupolosi. Uushona kombelewa ka li e shi ko, onkene ka li wo a hala omupolosi a kane momoho ge manga inaa thika pombelewa.

Nonando omupolosi, eyono etiyali lyaUushona mondapo ya pitilila ine li yalula we, tate Uushona okwa tegelela natango euthilo omolwondapo yotango.

+++++

TAA HIYWA KONGELEKA

Aayakulingeleka Helka Honkanen, Ingrid Langskog na meme Ester Tirronen sho taa ka fudha po kuSoomi, Epangelongeleka lya Elok, olye ya hiya natango, oyo mbaka ya galukile nga meyakulo lyOngeleka mpaka.

O M U K W E T U

Oye oshifo shOngerki onkwaevangeli paLuther yomOwambokavango. Ohashi nyanyangidhwa mOniipa. Omukuluntu gwoshifo, omumbisofi dr. L. Auala Amashanga gwoshifo Rev. Sebulon Ekandjo
Ondando yoshifo komumvo muSuidwes nomuAfrika alihe R 1,00 kombanda yomafuta R 2,00

Oondando nomambesitelo naga tuminwe kOmukwetu, Oniipa, P/B. 2013 Ondangwa. Omatseyitho agehe gomuntu mwene ge na sha niinima ye, otaga tuminwa ofuto yago.

Owambokavango Church Press
Private Bag 2013, Ondangwa, 9270